

**VELIKA ŠANS** Rezolucija američkog Senata i historijski samit NATO-a



# Dogovor o imovini provedi do maja i vrata za BiH bit će otvorena

On smatra da je za SAD u geostrateškom smislu važno da BiH bude članica NATO-a, „ali to članstvo neće biti akt milosrđa“

Predstojeći samit NATO-a u Čikagu, koji će na 50. godišnjicu ovog najjačeg političko-vojnog saveza biti održan 20. i 21. maja, po mnogočemu će biti historijski, a pogotovo za našu državu.

## Ključna provedba

Senat SAD-a, naime, još 13. marta usvojio je dokument koji predviđa da na ovom skupu lidera bude usvojen novi strateški koncept NATO-a, koji pojačava partnerstvo između njegovih članica,



Najava za samit u maju: Pružena prilika

ali i drugih zemalja.

No, ono što je za našu državu posebno važno jeste rezolucija o proširenju NATO-a, koju je 27. marta, na prijedlog senatora Dika Lugara (Dick), usvojio Komitet za vanjske poslove Senata. Ona, praktično, podrazumijeva otvaranje vrata za BiH da se priključi ovom savezu. Lugarova inicijativa, kako se očekuje, bit će podržana i u Čikagu.

U tom kontekstu, koji je značaj banjalučkog dogovora bh. političara o vojnoj i ostaloj državnoj imovini?

Američki analitičar Kurt Basiner (Bassuener) u izjavi za „Avaz“ smatra da je ključan.

Prema njegovim riječima, važno je da dogovor čelnika šest političkih stranaka od 9. marta bude realiziran do samita NATO-a, na način da bude pretvoren u adekvatan zakon na državnom nivou.

- Ako se to desi, a mislim da je moguće, NATO će odmrznuti Akcioni plan za članstvo (MAP), nakon čega bi moglo doći do ubrzanja cijelog procesa. Međutim, onda političari u BiH trebaju raditi na rješavanju unutrašnjih problema. Još ima problema s budžetom, tu su i interni politički sukobi između dva entiteta, pa i same po-

teškoće s postizanjem kompromisa među tročlanim Predsjedništvom BiH. Svi ovi faktori moraju se riješiti da bi došlo do ubrzanja procesa - pojasnio je Basiner.

On smatra da je za SAD u geostrateškom smislu važno da BiH bude članica NATO-a, „ali to članstvo neće biti akt milosrđa“. Basiner ističe da će veoma važno biti da političari iz RS shvate nužnost ulaska BiH u ovaj savez.

## Referendum u RS

No, izvršni sekretar SNSD-a Rajko Vasić jučer je ponovio stav da bi trebalo raspisati referendum o ulasku BiH u NATO, „jer će ulazak u Alijansu, ako se BiH ne uspije demilitarizovati, građane mnogo koštati, s obzirom na to da je za to potrebno moderno naoružanje koje BiH ne proizvodi i koje će morati skupovati“.

On je istakao da ne bi trebalo shvatiti ulazak u NATO kao priznanje BiH na nečemu što je učinila, „jer je riječ o težnji Alijanse za teritorijalizacijom“.

- Postoji velika tendencija da u Sarajevu ulazak u NATO bude iskorišten za otimanje posjeda RS, kao što su nekadašnje vojne baze JNA, ali može istovremeno predstavljati i smirenje unutarističkih i centralističkih želja Sarajeva - naglasio je Vasić. **A. DUČIĆ**



Feler: Nije krio emocije

**Ličnost dana** Štefan Feler

## Poruke pomirenja

Pokazao da nije samo puki činovnik međunarodne zajednice

Šef Policijske misije EU (EUPM) u BiH Štefan Feler (Stefan Feller) posjetio je Memorijalni centar Potočari i odao počast žrtvama genocida u Srebrenici.

Ovaj čin prvog evropskog policajca u BiH, akt je, prije svega, ličnog poštovanja, ali i profesionalnog odnosa prema nevinim žrtvama.

Feler se u Potočarima nije dvoumio.

Njegova poruka da posjeta ovakvim mjestima, osim čuvanja sjećanja na

žrtve, podsjeća i na užas koji se dogodio, poziv je na prihvatanje teške istine o zločinu u Srebrenici, kao jedinom putu u gradnji pomirenja i zajedničke budućnosti, ne samo onih koji žive u Srebrenici nego i u cijeloj BiH.

Štefan Feler nije krio emocije prilikom posjete Srebrenici. Pokazao je da nije samo puki činovnik međunarodne zajednice nego čovjek koji Srebrenici i BiH zaista želi dobro. **A. H.**



Basiner: Odmrznuti MAP

## Optimizam u Komisiji

Slučajno ili ne, na dan kada je Komitet za vanjske poslove Senata SAD usvojio Rezoluciju o proširenju NATO-a, Komisija za državnu imovinu BiH održala je sjednicu na kojoj je zaključeno da će se odmah pristupiti izradi sporazuma o raspo-

djeli državne imovine između Vijeća ministara BiH, vlada entiteta i Vlade Brčko Distrikta. Na ovoj komisiji također je rečeno da je prioritet sačiniti popis imovine, kao i popis potreba institucija BiH za tom imovinom.

Dragan Čavić o teškoj situaciji građana

## Korupcija u RS kao u Mozambiku

Predsjednik Demokratske partije Dragan Čavić izrazio je bojazan da će socijalno-ekonomska situacija građana u RS tokom godine biti još gora, imajući u vidu i nove obaveze koje izvršna vlast želi nametnuti stanovništvu. Da su smanjeni prihodi u entitetskom budžetu, Čavić je u izjavi za Fenu ukazao i kroz podatak, nedavno objavljen u „Službenom glasniku“, da je Vlada RS s računa za posebne namjene (escrow račun) „pozajmila“ vjerovatno posljednja 52 mili-



Čavić: Novi nameti iznose.

Na sve to, dodaje Čavić, početak je primjena novog zakona o doprinosima, po kojem će registrirani poljoprivredni proizvođači, njih oko 40.000, morati obavezno uplaćivati doprinose

ona KM.

Također, on je podsjetio da je od ove godine više od 40.000 korisnika penzija dobilo umanjene mjesečne

za penzijsko-invalidsko osiguranje na mjesečnom nivou od 74 KM.

Čavić je, također, naglasio da je stepen korupcije u RS i BiH u cjelini, nažalost, na nivou koji se mjeri u nekim afričkim zemljama.

- Stepent korupcije u RS je, naprimjer, kao u Mozambiku ili sličnim zemljama. To potvrđuje i posljednja studija Svjetske banke, koja govori o BiH generalno i njenim uvjetima za otpočinjanje biznisa - zaključio je Čavić.

## Mostar Zatvoren Sajam privrede

Sinoć je uz prisustvo brojnih posjetilaca te uz bogat zabavni program zatvoren 15. međunarodni sajam privrede Mostar 2012.

Prema riječima portparola Mostarskog sajma Olivera Cvitkovića, na ovogodišnjoj manifestaciji uz Hrvatsku, zemlju partnera, nastupilo je još tridesetak zemalja iz regije, Evrope, Amerike, Azije i Afrike. Ukupno je predstavljeno oko 850 izlagača.

## Dan zatvaranja logora u Žepču



Učenje Fatije Bošnjacima

## Položeni vijenci na Šehitlucima u Gornjoj Mahali

Simboličnim polaganjem cvijeća i učenjem Fatih na Šehitlucima u Gornjoj Mahali te bacanjem cvijeća s gradskog pješačkog mosta u rijeku Bosnu jučer su žepački logoraši obilježili zatvaranje logora HVO-a.

Procjenjuje se da su snage HVO-a od 1. jula 1993. do 31. marta 1994. godine u hangarima, silosima preduzeća „Nove trgovine“ u Bistrici i Žepču, zgradama osnovnih škola u Žepču,

Perkovićima i Ljubatovićima, držale zatočena 4.673 Bošnjaka s područja općina Žepče, Maglaj, Zavidovići i Teslić.

Iako je od zatvaranja logora prošlo skoro devetnaest godina, kako kaže predsjednik Udruženja logoraša Žepče Suljo Ejubović, za fromiranje logora, zločine i torture nad logorašima i zatvaranje civilnog stanovništva još niko nije procesuiran. **R. Ag.**